

## FILIPIFƆ

### Kukue Ko Paulo Lɛwɔni Ɔtɔ Filipifɔ

<sup>1</sup> Mɔ, Paulo, ku Timoteo ba ni Kristo Yesu eto beyifoyifo lɛwɔni kukue komfo.

Bufi bɔnlɛ kɛtɔ mi Onanto eto bafokanɔfɔ kenke ba nkpe lɛ Filipi nya biyifo bani ku Kristo Yesu, ɛwunsɛ lɛ mi batɔnkotɔnko ku mi bawunsɛkotsyuɛ tsya. <sup>2</sup> Bɔlɛ bɔtɔ bɔɛ Boanto Onanto ku Bonamute Yesu Kristo eto lefonɛ ku diyuɛ lɛ disiaɔko mi.

*Paulo Ɔto Ola Lɛ Bafokanɔfɔ Ba Nkpe Lɛ Filipi Eto Disi.*

<sup>3</sup> Lefe saa nɛ ke minkloma mii, maaso mɔ Onanto ani lɛ mi disia <sup>4</sup> Nya lefe saa nɛ ke minlɛ ola bɔto lɛ mimblɛ kenke eto disii, maato wɛ ku disuɛyuɛ. <sup>5</sup> Itsyi lɛ kase bɛwunsɛko mɛ lɛ Ditiki Sɛɛ nɛmɛ eto keyifo ɛsuɛ idu lɛ kaso ketsyikoko ibɛ ese mɔmɔ eso. <sup>6</sup> Mfo nno miɛ Onanto wɛ ditsyiko keyifo sɛɛ kamfo kaso lɛ mi ntii, ebusukosɛ ke isu ese kalosɛko lɛ Kristo Yesu eto dibɛfe nɛmɛ.

<sup>7</sup> Bekpe mɛ lɛ nsusu lefe saa nya ɛlɛkɛ itɔ bɛ nkebu disia ketsyiko lɛ mimblɛ ɛsuɛ nko. Itsyise mimblɛ efi kɛtsyuɛ lɛ kusu ko Onanto dɛtɔ mɛ, mɔmɔ ɛmɛ minlabe lɛ diyo ku lɛ lefe nɛ mɛsiɛ lɛ mɔ ɛsuɛ ɛsuɛ bɛ lɛ nta Ditiki Sɛɛ nɛmɛ disia bɛ lɛ betidi lɛ bafɔ ni banɔ bɛnyɛ kekleke. <sup>8</sup> Onanto ni mɔ odansiɛ nkɛ sitinti minlɛ bɔtɛyi minkɛ lelabi

nə eto okle nkpe lə Kristo Yesu əsuə úte boo, ni okle minfi minle mi butə nɛ.

<sup>9</sup> Nlɛ ola boto miə mi lelabi nə nkpe mii, lə disi lebe kato lekpe lesɔ, lə befo ditiki nəmə kasɔ bɔnɔ kala kələkə kukɔnɔ kətə əsuə. <sup>10</sup> Nyamfo luutə befo lesa sɛɛ buləkə kətə əsuə bə lə Kristo eto diyi nəmə əsuə, biuyifo baseɛ ba əsuə dikpilolo saa ləmbəkɛ. <sup>11</sup> Ɛwunsə lə nyamfo əsuə, bə lə kasɛyifoyifo ka eto okle Yesu Kristo hā lətə utidi leeyifoo, lə keyi mi əsuə, bə lə befi babesɛ Onanto kato, bətə wə dibu ku atesə.

*Utidi Wə Leeyifo Yesu Eto Keyifo, Ebunya Nkpe.*

<sup>12</sup> Mɔ bayimi, nla miə bete sitinti miə asa nnya dítu mɛɛ, əbə ɛwunsə bə Ditiki Sɛɛ nemə əbə dínɔyə setɔsusu bomu. <sup>13</sup> Itə nyasoo, bamamanyə ba kenke nkpe lə lekayo mfo ku betidi bamba kpə ba kenke nkpe lə lekayo mfo ənyə bətsyuə ləkpo bə bákpe mɛ lə diyo itsyise nyifo Kristo eto uyifoyifo eso. <sup>14</sup> Ɛwunsɛ ku nyamfoo, mɔ bokpe lə diyo esi itə bafokanɔfɔ kpə esi bakpe utu bawunsə lə Bonamute əmə əsuə itə bensiate sikpi lə Ditiki Sɛɛ nəmə budi ku ute.

<sup>15</sup> Lə sitintii, mə nti betidi eto bətsyuə aayɛ lə kutsyuəɛ kpɔkpɔ əsuə kedi Kristo eto ditiki nəmə kate, nya baala bə baatanko mɛ lə ni bɔtɛyi əsuə, fɛɛ bətsyuə eeyifo nnya ku nsusu sɛɛ. <sup>16</sup> Lelabi dítə betidi eto lekpa nuəfə nəmfo bə babe Ditiki Sɛɛ nəmə letsya mmə, itsyise beyi bənkə bokpe Onanto ləkpe mɛ nke nta Ditiki Sɛɛ nəmə disi. <sup>17</sup> Fɛɛ betidi eto lekpa tute ábe Kristo letsya lə kusu ko əmə boonyə kutəkə kətə mə suə eso, nya inni lə ɔnukualɛ əsuə, bomu bə lə beyifo

nko læ kanyi ka minle bunyæ læ diyo næmæ kafa læ kabe kato kaso.

<sup>18</sup> Fææ nyamfo menyifo kulesa. Nya ni bæ utsyuæ abe Kristo letsya læ sidia, sidia æsuæ o-o, læ onukuale æsuæ o-o, mɔ alee, bæ bábe Kristo letsyaa, nnya mate aakpe mæ disuæyuæ. <sup>19</sup> Nya muusukosæ disuæyuæ næmæ bunyæ itsyise nyi miæ eyæ læ mi olatoto æsuæ ku læ bowunsæko bo laabo ketsyi læ Yesu Kristo eto Læwɔnɔ æsuæ, boolækæ mæ læ diyo. <sup>20</sup> Nnya æsuæ mimfi ænæ mintækæ ku minle kusu bobæ kekkele ni bæ medi kofani læ mɔ keyifo æsuæ. Bomu bæ lefe saa, ku læ titlu mɔmɔ, læ nkpe nkæale ku mɔ æsuæale kenke, bæ muunæ dibu mboko Kristo, læ nkpe nkpæ o-o nye læ bukpe mínkpæ tsya.

<sup>21</sup> Nya be ni nkpæ? Læ mɔ kutsyæ, nnya ni bæ læ nsi nkpæ ntæ Kristo. Nya læ nkpee, nnya bomu luusi yooboko mæ kutækæ eso nɛ. <sup>22</sup> Læ nnya ete minsi muusiæ nkpæ, eni muuyifo keyifo ka luubæ kutækæ. Fææ mante nnya ele bæ mfi lenti, ukpæ lee nkpæ. <sup>23</sup> Mɔ nsusu áma læ akpa æsuæ. Eni moola tinti miæ maabo læ nkpæ bomfo nsu nsiæ læ Kristo oflo, itsyise nyamfo alæke eso famfamfamfa. <sup>24</sup> Fææ læ mi esoo, efe bæ nsi nsiæ nkpæ læ kawunsiæ kamfo. <sup>25</sup> Se mimfo nyamfo minɔ nko esoo, nyi miæ muusiæ læ mible kenke oflo nsukosæ nyifo bo kenke minle buyifo bæ læ busu seto, læ bunyæ disuæyuæ læ Kristo bofokanɔ æsuæ. <sup>26</sup> Nyamfo luutæ bæ læ mbæ mi oflo bioo, biunyæ kusu bebesæ æsuæ kato eyæ læ mæ æsuæ bæ biyifo bani ku Kristo Yesu eso.

<sup>27</sup> Lesa næ lefé mɔmɔ ni bækæ bisia nkpæ bo dinyænko mba léfo Kristo eto Ditiki Sææ næmæ

bánc. Itə bə lə mbə mi ɔflɔ o-o, məmbə o-o, lə nnc ntsyiko lə mi əsuə bənkə bińyə kekleke lə ləwɔnc ku nsusu əsuə nya bińyə kənyəkani lə mi bofokanc əsuə bənle Ditiki Sɛɛ nəmə disi bota. <sup>28</sup> Biantə mi balo sikpi. Bomu bińyə ku utu kekleke. Nyamfo loote mə bə mə ebonya bedufə kasɔ nya mi ebutəkə mə kato, itsyise Onanto nwə nle bɔkpɔ kətə mi, ebutə bitəkə kato. <sup>29</sup> Itsyise bətə mi kusu bə bisumu Kristo inni bə lə befo wə bənc ete eso, bomu bə lə binyə kanyi tsya lə wə disi eso. <sup>30</sup> Nya mɔmɔɔ, bəkpɔnc mɛ lema nəmə. Lema nəmə binyə mɪkəkpɔ kɔ əmə ete nɛ. Nya fe kase bɛɛnc, ni əmə ke ete minsi minle bɔkpɔ nɛ.

## 2

### *Ele Bə Bebokosə Ɔsuə Kasɔ Bitə Mi Bətsyuə.*

<sup>1</sup> Mfo nnc miə mi nkpə bo bənkpe lə Kristo əsuə, ətə binyə əsuəale. Nya wə lelabi ləəyuəsə mi ketu. Biyifo bani ku wə ləwɔnc, nya bənle mi əsuə wɔkɔkɔkɔkɔ lə kafɔɛkpɛ ku kaminsənyənyə əsuə bitə bətsyuə. <sup>2</sup> Nnya lə nko ini sitintii, nyalɛ muukənc mi miə bitə lə nyə disuəyuə bə nsusu bɔni ku lelabi lə lɛkɛ bo nya lə biyifo lɔni lə ləwɔnc ku disibubu əsuə. <sup>3</sup> Bienyifo kulesa nə lete mɔ mate hã eto lələkəsə nye əsuə katobəsəbəsə eto ditsyəbi. Bebokosə əsuə kasɔ, nya bibu betidi bamba fe balɛkɛ baso mi. <sup>4</sup> Nya bəbɛbɛ betidi bamba eto kasɛɛ, inni fə mate eto lələkəsɛ ete.

<sup>5</sup> Bitə lə nsusu bo lɛkɛ Kristo Yesu, lə bɔkɛ mi tsya. <sup>6</sup> Nnya ni bə ite bə okpe Onanto eto ditsyebi tsyaa, wóemfi nnya lə əsuəale əsuə nkə lə okate

ku Onanto. <sup>7</sup> Bomu læ wə kosate eto lelabi əsuəə, úfi lesa saa nə nte wə útə kafo faa, nya úyifo wə əsuə usumutidi. Nya úbə bále fe kawunsia kamfo eto utidi. <sup>8</sup> Utidi eto ditsyəbi lækə wə nya óbokosə əsuə kasə nya óyε læ kototsyuetsyue eto kusu əsuə úsu taa ukpə kəmiə, ukpə læ uyikabie əsuə. <sup>9</sup> Εyε læ nyamfo esoo, Onanto ábesə wə kato ka nso kenke, nya úfi diye nə nso bómə kasə diye saa útəkə wə. <sup>10</sup> Nya læ bakpadi Yesu eto diyee, ele bə asayifoyifo nnya kenke nkpe kato ku kasə ku nnya nkpe læ kasonti se akonki bətə wə. <sup>11</sup> Nya məmblε luufe kenyε batəyi bə Yesu Kristo ni Bonamute, bə læ befi batesə Onanto wə ni Boanto.

*Biyənde Fe Befandebi Lə Kawunsia Kamfo.*

<sup>12</sup> Nyaso, mə bayimi, fe kase bietsyue mə koto lefe saa, ite bə mimbə læ mi oflə məmə təyaa kulaa, isi efe bə bitsyuə koto beso. Bekplatsya kekkeke læ bifi sikpitete ku ketinkə biyifo keyifo ka diyənkə mi buləkə. <sup>13</sup> Itsyise Onanto læ keyifo læ mi əsuə lefe saa nkə læ yuutə bətəncə bitsyue asa nnya útsyue utsyə koto.

<sup>14</sup> Biankpe kənə nye beto taflatsyə læ kulesa buyifo əsuə. <sup>15</sup> Itə bə læ kawunsuə biabia ka diyi ku abuayifoyifo mfoo, mii, biyifo Onanto eto bebi ba lekpa nya beele ku dikpílolo saa læmbə læ mi əsuə. Lə biyənde læ kawunsia eto betidi eto nti fe kase befandebi læəyənde læ kato seka. <sup>16</sup> Befo ditiki nə lætə nkpə nəmə bεε kekkeke, bə læ Kristo eto diyi nəmə əsuəə, mofo lækəesi bəscə katəyi minkə méntsyetsyi bimba nye ményifo keyifo bimba. <sup>17</sup> Mi bofokanə læ Bonamute əsuə

ku mi keyifoyifoyifo te fenke kediteta keta wa. Eni mo koto bokpo la kaso ekoko kediteta kamfo. Nya la iba nkoo, yoke me okoe nya muunya disuayua tinti ku mi mble. <sup>18</sup> Nko ke ini ne ba mi tsya nya disuayua beto keyudu ku me ne!

### *Timoteo Ku Epafrodito.*

<sup>19</sup> La Bonamte atono, yembokle, mootsyese Timoteo mi oflo, ba la usinkli uba oteyi me kase asa nte la mi oflo, la nsi nya disuayua. <sup>20</sup> La onukuale asua, mimba kuutsyua saa wa lefi katsyua la mo ku mi etiki asua fe wa. <sup>21</sup> Nya bafefe, utsyua saa le wa lelekasa ete bobo, nya inni nya ni Yesu Kristo eto kusu eto ale. <sup>22</sup> Fee mi kosate yi bia Timoteo ale, owunsakotsyua uni uta me, kase wakanke me la keyifo kamasa fe ubi ku anto ita Ditiki See nama eto busansa asua. <sup>23</sup> Nyaso ne kusu bobo mia, la nya kase asa nyama luuba itsya ku me koo, mootsyese wa mi oflo ml. <sup>24</sup> Nya mfo no tsya mia Bonamute ama kosate ebuta me kusu nka mba mi oflo la lefe kliminti asua.

<sup>25</sup> Mbu tsya mia ele ba ntsyese bo oyimi Epafrodito mi oflo, wa dinyako me kekleke la Onanto eto keyifo asua. Wa ni mi otaye wa betsyese mo oflo bia uba owunsako me. <sup>26</sup> Se unyi nka beno bia asua abia wa esoo, ila wa tinti nya ola kekleke nka waba unya mible. <sup>27</sup> La sitintii, ono bufi kekleke ibu seke la ukpa. Fee Onanto anye wa kaminsa, nya inni wa mate bomu ku mo ta. Lenni nko eni mo kanyinyanya eto bitsyika eboso me ani ku butsyi. <sup>28</sup> Nyamfo kulaa eso minla mia matsyese wa mi oflo la binye

wə, lə binyənkɔ wə disuənyə, nya mintsya loola nɔwɔnɔ mɔ utu siə kasɔ sɛkɛ. <sup>29</sup> Nyaso befo wə ani ənuə, binyəko wə disuəyuə lə Bonamute eto diye əsuə. Bitə betidi bamfo eto okle dibu. <sup>30</sup> Itsyise ufi wə əsuə utə nya untə kpə lə Kristo eto keyifo ka nkə woawunsəko mɛ lə nyifo ka biamfo mə bɔwunsəko nyifo eso.

### 3

#### *Biemfi Isuə Bitə Isuə Eto Sinə Eto Asayifoyifo.*

<sup>1</sup> Kafɛfɛkɔɔ, mɔ bayimi, binyə disuəyuə bə biyifo bani ku Bonamute. Yenlə mɛ bə nsi nɔwɔni asa nyamfo ke ntsyese mi, itsyise nyamfo luutə buinyə kekleke nɛ.

<sup>2</sup> Bɛlɛ ola biɲyə bikabe babuayifo bamfó ba leeyifo asa fe bakpa, betidi ba ləənyə kekleke bə bala əsuə eto sinə, ini lelolala. <sup>3</sup> Bɔ ni mba léfo lelolala eto lekpa inni mə, itsyise boesumu Onanto eyɛ lə wə Lɛwɔnɔ əsuə nya boənyə disuəyuə se buyifo bani ku Kristo Yesu eso. Nya boemfi əsuə butə əsuə eto sinə bola eto lekpayifoyifo.

<sup>4</sup> Nya lə utsyuə ebu nkə woofɔ əsuə bufi kətə lelolala eto lekpa buyifoo, eni mɔ bomu ele bə mfo əsuə eto sinə eto lekpayifoyifo eto asa ntə əsuə nso. <sup>5</sup> Mɔɔ, se bále mɛ eto diyi flamfla lee, nnya bála mɛ lelo nɛ, Israelnyə tinti mini nya mbɔ ntsyi lə Benyamin eto kafo. Hebrinyə kosate kosate wə eto anto ni Hebrinyə tinti wə mini nɛ. Nya lə Yudafɔ eto kɔfi əsuəə, nyifo Farisinyə. <sup>6</sup> Nya lə kətsyuəfifi lə Yudanyədidi əsuəə, nyifo lə nnya əsuə kekleke itə bə ntəkəko Kristo eto

bafokanofó kama nte mə ohiã tinti. Nya læ boye læ Yudafo eto kɔfi əsuə, dikpilolo saa əmbəkə læ mə itsyise, nyifo læ ko əsuə tinti.

<sup>7</sup> Fεε læ kutəkə kutsyuə akε læ nnya əsuə itə mə kɔ əmə tsyaa, mɔmɔɔ, læ Kristo esoo, efiani asa bimba nnya læmbə kutəkə saa itə mə. <sup>8</sup> Sitintii, mfi nyamfo kenke fe asa nnya læmbə kutəkə saa, itsyise mbə nyə ntsyə lekpo miə Kristo Yesu hã ni Bonamute nya nyamfo afe mə eso asa fεfε kenke. Lə wə esoo, ntó lesa saa nkpe nya mimfi asa fεfε kenke fe kuku eto ekubi bə læ Kristo læ oka mə kɔni bonko wə læ buyifo bani, <sup>9</sup> læ mfi mɔ əsuə kenke ntə wə. Nyasoo, minsini ɔsεε itə mɔ əsuə εye læ asayifoyifo læ kusu əsuə læ kɔfi komə kalɔ. Kasεε ka ni læ Kristo bofo kanɔ əsuə hã mofo buyifo. Kasεε ka Onanto hã lætə εye læ bofokanɔ læ wə əsuə. <sup>10</sup> Nya lesa nə minla ni bə læ nte Kristo ku əsuəale nnya dítə ótakasə wə utsyi ɔkɔmə úbə nkpə. Nya læ nnyə kanyi ku wə, læ nyifo lɔni ku wə læ wə ukpə əsuə, <sup>11</sup> ku kusubebe bə Onanto ebotakasə mintsya utsyiko ɔkɔmə oboko nkpə.

*Paulo Áteyi Kase Ele Bə Uyifo Bə Lə Unyə Kayofofó.*

<sup>12</sup> Minlə bɔteyi minke mbutəkə kato nye mbɔflɔ nlo. Bomu nle bokplatsya kekleke bə læ mfo kayofofó ka Kristo Yesu luufi utə mə. Itsyise Kristo Yesu éyifo mə nkə mfiani wə ole. <sup>13</sup> Lə sitintii, mɔ bayimi lala, mamfo nnɔ miə mɔ kɔni éboka kayofofó kamə. Bomu lesa nə minlə bokplatsya læ nyifo ni læ nta nnya díkafe əsuə le mfi ənəmi ntəkə læ nnya nte setɔ eto kɔniboka



əsuə. <sup>14</sup> Nyaso meetsyetsyi bebembe bæ læ nsu nsa usunklu əmə nyila, bæ læ mfo kayofofu ka Onanto lékpadi mə nkə mbə mfo læ kato eyə læ Kristo Yesu eso.

<sup>15</sup> Bitə læ nsusu bomfo læ bəke bomba dikabe læ Ləwəŋə Kenke əsuə. Nya læ mi utsyuə kpe nsusu bamba ntsyuə, Onanto ebuləkə nyamfo ote mi ekpa wuee. <sup>16</sup> Niə, niə, nniəə, bitə læ bəye busu sətə læ kusu ko əsuə búkaye ibə ese mómə.

<sup>17</sup> Mə bayimi, bebe mə eyifobi əsuə bəye. Bələ ola bebe mba nsi nkpə læ ditsyəbi sɛɛ əsuə fe kase búsiə bote mi seka. <sup>18</sup> Mbətəyi mi nyamfo sesia, sesia mfe nya mómə, nsi nle mi nnya bətəyi ku binəntu miə bətsyuə kpə eto nkpə bo bensi ətə beyifo balo itə Kristo eto ukpə læ uyikabie əsuə. <sup>19</sup> Betidi bamfo eebudufe læ kanyimanlo manlo eto ute əsuə. Itsyise mə kafo ni mə onanto. Nnya ni afanisiaa, nnya əsuə bomu bəənyə disuəyuə nya befi mə nsusu bətəkə læ kawunsiə eto bikə əsuə. <sup>20</sup> Fɛ, bo aɛɛ, bo umə ni kato nya buńyə bənlɛ bo Ofomfokətə wə ni Bonamute Yesu Kristo kusu bobə bæ læ utsyi kato ubə. <sup>21</sup> Wə loofloma bo əsuə eto sinə sia ləmbə ale uyifo se fe wə kosate eto əsuə eto sinə sia nkpe læ dinyəndə əsuə eyə læ wə əsuəale əsuə. Nya læ əsuəalə nyamə ke əsuəə, wuunə lesa saa okpe læ wə kəfi kalə.

## 4

### *Paulo Átəyi FilipifŌ Lesa Nə Ele Bə Beyifo.*

<sup>1</sup> Nyaso, mə bayimi lala ba lefe bitə mə, ba minla miə məəkənyə. Biakpe mə disuəyuə tinti nya maasə lekəesi kabesə əsuə kato læ mi disi.

Mɔ bayimi lala, nko ele bə bińyə kekleke lə mi nkpə lə Bonamute əsuə nɛ.

<sup>2</sup> Nlɛ Ewodia ku Sintekɛ lekpa kpa miə bɛnɔ bətsyuə kasɔ lə besinkli bisia fe bayimisiɔ lə Bonamute eso. <sup>3</sup> Nya mi tsya ba ni mɔ beyifotsyuə lalaa, nla miə bɛwunsəko besio bamfo. Itsyise bɛyifo keyifo kekleke bawunsəko mɛ bə lə busənsə Ditiki Sɛɛ nəmə ku Klemens ku mɔ beyifotsyuə bamba kenke ba eto aye nkpe lə Onanto eto Nkpə eto Kukue kafo.

<sup>4</sup> Binyə disuəyuə lefe saa bə biyifo bani ku Bonamute əmə. Nsi nlɛ bɔtɛyi bio miə binyə disuəyuə.

<sup>5</sup> Bɛkɛ disuətsyɛ bitə utsyuə saa. Itsyise Bonamute əmə eto dibəfɛ ebɔfi. <sup>6</sup> Biənsiə bikala kawɔnɔ lə kulesa əsuə, bomu bikato ola bikətə Onanto lə lesa saa nə lehiā mi əsuə, bikasɔ wə ani itsyi taa mi ketu kəmiə ke. <sup>7</sup> Nya Onanto eto diyuə nə nso kawunsiə eto utidi eto kasɔnɔnɔ saa, lə lɛlɔ mi ketu ku nsusu ditsyɛ lə lɔniyifoyifo ku Kristo Yesu əsuə.

<sup>8</sup> Lə kalosəkɔɔ, mɔ bayimi, bitə lə lesa nə nso kɔnɔ ku nnya dińyə itə atesə lə iyi mi nsusu kəmiə, nyamfo ni lesa nə ni ɔnukualɛ, lesa saa nə dińyə itə dibu, lesa saa nə ni lɛsɛɛ, lesa saa nə lekpa, lesa saa nə laanɔ bobɛ ku lesa sa nə dinyenko utidi nɛ. <sup>9</sup> Bisia nkpə lə ləsanə bəkase ku bɛfo bitsyiko mɔ oflɔ, itsyi lə mɔ etikididi ku mɔ eyifosa tā əsuə. Nya lə Onanto wə lətə diyuə lə usiəko mi.

*Paulo Ásɔ Filipifŏ Ani Lə Itəsa Nya Bətə Wə Eso.*

<sup>10</sup> Lə mə ləniyifoyifo ku Bonamute əsuəə, iyifo mə disuəyuə tinti bə lə lefe kəntsye kamaa bisi bələ buləkə kate mə biə bifi kətsyuə lə mə əsuə. Inni bətəyi minlə miə bəni mə lə lefe nəmə, bomu kusu ete yəntə bə biləkə bete nko. <sup>11</sup> Nya inni bətəyi minlə miə lesaatsyuə ahiā mə, bomu mbókase lə lesa saa əsuə ku lə kalebe saa miə lesa nə kee nte məε, dufə mə ənə. <sup>12</sup> Nya lesa nə ini bə lesa hiā fə ku lesa nə ini bə, ləsa tsyə fə eso kase fahiā, mbokase kobe komfo. Itə bə lə kalebe saa ku lefe saa nyi kase muusiə nkpə, imi mə o-o, kukpənsə lə mə o-o, ələkə itə mə. Lə ite mə kpə o-o nye elonko mə tsya. <sup>13</sup> Əsuəale nnya Kristo ditə məε, nnya ləətə maafə nyamfo kenke əsuə nə.

<sup>14</sup> Fəε biyifo ələkə tinti bə bəwunsəko mə lə mə bulə kəmiə. <sup>15</sup> Nya mi Filipifó kosate yi biə idu lefe nə mίνdu lə Makedoniaa, nya mítsyiko Ditiki Səε nəmə letsya bobə kasə, mi hā ni bafokanəfə eto ditsyukpa nə nlə mə bəwunsəko, kətə mə asa. Kutəkə mίνyə o-o, bəso eso mə o-o, mi hā ni mba díkənkə mə. <sup>16</sup> Lefe nə minlə lə Tesalonika kulaa tsyaa, se mίνhiā bəwunsəko, bəwunsəko mə lefe kpə. <sup>17</sup> Nya inni ətəsa minhiā itsyi mi əflə eso, bomu kutəkə ko mi luunyə bəyenko lə ətəsa nyamfo əsuə. <sup>18</sup> Bəfo mə kayo kenke. Nya bəfo mə kayo besənsə kase ele be itsyə. Ətəsa nya kenke bətsyese mə bəyenko lə Epafrodito əsuə əbə éka mə kəni. Ətəsa nyamfo eyifo fe keditətə eto asa nnya laanyi fifififi befi bətə Onanto nnya dídufə wə ənə nya ékpe wə disuəyuə. <sup>19</sup> Nya bo Onanto kosate ebutə mi ətəsa nnya kenke lohiā mi eyə lə Kristo Yesu

eto setabikɛ ku diyɛnde kpɛ nɛmɛ esuɛ.

<sup>20</sup> Bitɛ lɛ bɔtesɛ Boanto Onanto itsyi manlo isu manlo kenke. Ibɛ itɛ.

*Kasiɔ Fɛfɛ.*

<sup>21</sup> Mɛɛsiɛsɛ mba ni Onanto eto bebi ba ni Kristo Yesu eto bale kenke o-o. Nya bayimi ba nkpe lɛ mɔ ɔflɔ mfo tsyaa, bɛ bɛɛ siɛsɛ mi o-o!

<sup>22</sup> Betidi ba kenke léfo Onanto bánɔ nkpe mfo ɛsiɛsɛ mi kukɔnɔ, titlu mba nkpe lɛ Roma eto Okankpɛ eto diyo.

<sup>23</sup> Lɛ Bonamute Yesu Kristo eto lefonɛ lɛ disiɛko mi.

**Onanto eto kakle ɔɔɔ; Sɛkpɛle  
Sɛkpɛle: Onanto eto kakle ɔɔɔ; Sɛkpɛle New  
Testament**

copyright © 2008 Wycliffe Bible Translators, Inc.

Language: (Sɛkpɛle)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

5fc03d2a-3cf8-5607-a6e0-9e1e197140bd